

**Grad Novi Pazar**  
**Skupština grada**  
**Odbornička grupa SDA Sandžaka**  
**Novi Pazar**  
**03. septembar 2023. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 109. stav 2. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo prijedlog **da se iz predloženog dnevnog reda 4. sjednice Skupštine grada Novog Pazara zakazane za 04. septembar 2023. godine, povuče tačka 15. Prijedlog Rješenja o imenovanju VD direktora Muzeja „Ras“ Novi Pazar;**

**O b r a z l o ž e n j e:**

Članom 37. stav 2 i 3. Zakona o kulturi propisano je da period obavljanja funkcije vršioca dužnosti direktora ne može biti duži od jedne godine te da isto lice ne može dva put biti imenovano za vršioca dužnosti, te da vršilac dužnosti direktora mora da ispunjava jednake uslove koji se traže prilikom izbora direktora.

Članom 36. istog zakona propisano je da lice koje se imenuje za direktora ustanove kulturne odnosno su vršioca dužnosti direktora pored visokog obrazovanja treba da ima i najmanje pet godina radnog iskustva u kulturi

Shodno citiranim odredbama Zakona o kulturi predloženi kandidat ne može biti izabran za vršioca dužnosti direktora Muzeja „Ras“ Novi Pazar jer se po drugi put za vršioca dužnosti direktora i zato što ne ispunjava zakonom propisane uslove.

Imajući u vidu da je predloženo rješenje nezakonito neophodno je da se iz predloženog dnevnog reda povuče tačka 15. Prijedlog Rješenja o imenovanju VD direktora Muzeja „Ras“ Novi Pazar.

**Predsjednik odborničke grupe**

mr. Ahmedin Škrijelj

